



Concello de Vigo

D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 22 de xullo de 2021** adoptou o seguinte acordo:

20.- SUBVENCIÓN NOMINATIVA, MEDIANTE CONVENIO ENTRE O CONCELLO DE VIGO E A ORQUESTA CLÁSICA DE VIGO, PARA O DESENVOLVEMENTO DE PROGRAMA DE CONCERTOS DURANTE O EXERCICIO 2021. EXPTE. 3924/330.

Visto o informe xurídico do 14/07/2021 e o informe de fiscalización do 16/07/2021, dáse conta do informe-proposta de data 07/07/2021, asinado polo xefe do Servizo de Xestión e Promoción Cultural, polo concelleiro delegado de Cultura e polo concelleiro delegado de Orzamentos e Facenda, que di o seguinte:

INFORME-PROPOSTA.-

Con data da sede electrónica municipal 18 de xuño do 2021, a Orquesta Clásica de Vigo presenta escrito de solicitude de subvención para o financiamento do programa de concertos a realizar durante o exercicio 2021; por este motivo, con data 23 de xuño do 2021, o concelleiro-delegado da Área de Cultura resolveu que por parte desta xefatura se iniciase o expediente de subvención correspondente e asinar un convenio con esta entidade para regulala, polo importe de 21.000 € con cargo á aplicación orzamentaria 3340.480.00.04 do orzamento municipal vixente.

ANTECEDENTES.-

A **ORQUESTA CLÁSICA DE VIGO** é unha entidade sen ánimo de lucro, decana das orquestras de Galicia, con trinta e cinco anos de existencia, e que ten acadado prestixio e personalidade propia no ámbito da música. A orquesta realiza de forma estable un programa de concertos anual, cunha actividade enfocada a investigar nos formatos e nas posibilidades de achegar a música a todos os públicos. Ademais sempre foi unha importante plataforma para a promoción da música e dos artistas locais.

PROGRAMACIÓN DO ANO 2021:

A programación para o ano 2021 constará de catro concertos: tres de orquesta e unha acción realizada polo quinteto de corda da Orquesta Clásica de Vigo.

1. Día Europeo da Música: Xela Arias | 20 de xuño nos Xardíns Históricos do Pazo de Castrelos.

Programa:

Abertura: proserpin, de J. M. Krauss
Divertimento en re maior K.136, de W. A Mozart
Sinfonía en do menor, de J. M Krauss
Dirixe: Manuel Martínez Álvarez-Nava



Copia do documento - Concello de Vigo	Data impresión: 04/07/2024 04:15	Páxina 1 de 4
SUBVENCIONS	CSV: AFA452-BEA9C6-ADD626-HWDQ4N-KNAC69-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

2. Día Europeo da Música | 21 de xuño. Gravación e emisión en directo nas obras do complexo de Vialia.

Programa:

Serenata de las calles de Madrid Op. 30 n.o 6 (G. 324) de Luigi Boccherini

Lugar: Obras do complexo de Vialia.

Data: 21 de xuño de 2021 ás 18:00

Gravación e emisión a través de Youtube.

3. Concerto 18 setembro | Auditorio Municipal do Concello de Vigo

Traballarase cunha orquestra de vento metal, a corda máis perxudicada nestes meses.

4. Concerto 23 de outubro | Teatro Afundación de Vigo

O concerto de outubro, segundo permita a evolución da pandemia, será unha volta á normalidade, retomando a programación cancelada en 2020. O concerto será no Teatro Afundación de Vigo -se a situación o permite- e a data está por determinar. Concretarase posteriormente

Este concerto contará coa interpretación do pianista Severino Ortiz, que interpretará o Concerto para piano n.4 de Beethoven, xunto coa 4ª sinfonía do compositor.

A memoria económica que se achega ao presente convenio, presentada pola ASOCIACIÓN, incorpora o orzamento xeral de gastos do programa obxecto do mesmo, polo importe total de 29.500 € (vintenove mil cincocentos euros), financiándose coas seguintes achegas:

- Concello de Vigo: 21.000 €
- Achega da entidade: 4.000 €
- Deputación de Pontevedra: 2.500 €
- Ingresos por taquilla: 2.000 €

DOCUMENTACIÓN.-

Por parte da asociación, presentouse a documentación relativa ao expediente de subvención, que está integrada pola seguinte:

- Proxecto e orzamento da actividade
- Estatutos da Entidade e capacidade do representante legal
- NIF do presidente
- CIF da entidade
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Póliza de seguro de responsabilidade civil
- Escrito de aceptación do proxecto de convenio (presentado na sede electrónica o 06.07.2021)



Copia do documento - Concello de Vigo	Data impresión: 04/07/2024 04:15	Páxina 2 de 4
SUBVENCIONS	CSV: AFA452-BEA9C6-ADD626-HWDQ4N-KNAC69-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

LEXISLACIÓN APLICABLE.-

A concesión da subvención que outorgue o Concello de Vigo á Orquesta Clásica de Vigo, para a organización do programa de concertos durante o exercicio 2021, obxecto do presente convenio, rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

A concesión da subvención directa á Orquesta Clásica de Vigo deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2021, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade ca actividade cultural organizada polo Concello e marcada diferenza coa oferta doutras entidades, polo cal non procede promover a concorrència para o seu outorgamento.

De acordo co previsto no art. 26.1 da Lei 9/2007, do 13 de xuño, de subvencións de Galicia, os convenios serán o instrumento habitual para canalizar as subvencións previstas nominativamente; polo que se inclúe o correspondente proxecto de convenio na proposta de resolución.

ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde a materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

FINANCIAMENTO DA SUBVENCIÓN.-

A subvención do Concello de Vigo á “Orquesta Clásica de Vigo” ten como obxecto financiar a organización do programa de concertos a realizar durante o exercicio 2021, figurando na aplicación **3340.480.00.04** do orzamento municipal vixente a concesión dunha subvención nominativa por importe de 21.000 €, a favor da devandita entidade.

A subvención do Concello de Vigo á “Orquesta Clásica de Vigo” é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

CONDICIÓNS DE CONCESIÓN DA SUBVENCIÓN



Copia do documento - Concello de Vigo	Data impresión: 04/07/2024 04:15	Páxina 3 de 4
SUBVENCIONS	CSV: AFA452-BEA9C6-ADD626-HWDQ4N-KNAC69-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan no texto de proposta de convenio.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, cos informes xurídico e da Intervención Xeral, faise a seguinte

PROPOSTA Á XUNTA DE GOBERNO LOCAL.-

PRIMEIRO.- *Aprobar a concesión directa da subvención de 21.000 € (vinteún mil euros) á Orquesta Clásica de Vigo, CIF. G36688422, para o financiamento do programa de concertos 2021, organizado por esta entidade; e autorizar e dispoñer o devandito gasto con cargo á aplicación orzamentaria 3340.480.00.04 "CONVENIO ORQUESTA CLÁSICA DE VIGO", que figura no orzamento municipal vixente do Concello de Vigo.*

SEGUNDO.- Que se aprobe o texto do proxecto de convenio entre o Concello de Vigo e a Orquesta Clásica de Vigo que regula o desenvolvemento da subvención outorgada para o financiamento do programa de concertos 2021".

Acordo:

A Xunta de Goberno Local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/rs

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 04/07/2024 04:15	Páxina 4 de 4
SUBVENCIONS	CSV: AFA452-BEA9C6-ADD626-HWDQ4N-KNAC69-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		